

摘藻堂四庫全書薈要

子部

欽定四庫全書薈要

子部
荀子卷
一至三

詳校官員外郎臣潘紹觀



欽定四庫全書薈要

荀子目錄

卷一

勸學篇第一

修身篇第二

卷二

不苟篇第三

榮辱篇第四



卷三

非相篇第五

非十二子篇第六

仲尼篇第七

卷四

儒效篇第八

卷五

王制篇第九

卷六

富國篇第十

卷七

王霸篇第十一

卷八

君道篇第十二

卷九

臣道篇第十三

致仕篇第十四

卷十

議兵篇第十五

卷十一

彊國篇第十六

天論篇第十七

卷十二

正論篇第十八

卷十三

禮論篇第十九

卷十四

樂論篇第二十

卷十五

解蔽篇第二十一

卷十六

正名篇第二十二

卷十七

性惡篇第二十三

君子篇第二十四

卷十八

成相篇第二十五

賦篇第二十六

卷十九

大略篇第二十七

卷二十

宥坐篇第二十八

子道篇第二十九

法行篇第三十

哀公篇第三十一

堯問篇第三十二

臣等謹案荀子二十卷周荀况撰唐楊倞註

荀况亦曰荀卿漢人或稱曰孫卿則宣帝諱

詢以同音避也漢志儒家載荀卿三十三篇
王應麟考證謂當作三十二篇劉向校書序
錄稱孫卿書凡三百三十三篇以相校除重
複二百九十篇定著三十二篇為十二卷題
曰新書楊倞分易舊第編為二十卷復為之
註更名荀子即今本也考劉向序錄卿以齊
宣王時來游稷下後仕楚春申君死而卿廢
然史記六國年表載春申君死上距宣王之

末凡八十七年史記稱卿年五十始游齊則
春申君死之年卿年當一百三十七矣於理
不近晁公武讀書志謂史記所云年五十為
年十五之訛意或然也宋濂荀子書後又以
為襄王時游稷下亦未詳所本況之著書主
於明周孔之教崇禮而勸學惟其恐人恃質
不學遂創為性惡之說又疾諸儒之橫議故
非十二子一篇併子思孟子而排之遂為後

人口實寔則大旨不悖於聖人未可盡非也
韓愈謂其大醇而小疵其論當矣楊倞為註
亦多詳洽唐書藝文志以倞為楊汝士子而
宰相世系表則載楊汝士三子一名知溫一
名知遠一名知至無名倞者表志同出歐陽
修手不知何以互異意者倞或改名若溫庭
筠之一名岐歟是不可考矣乾隆四十三年
二月恭校上

總纂官臣紀昀臣陸錫熊臣孫士毅

總校官臣陸費墀

荀子原序

昔周公稽古三五之道損益夏殷之典制禮作樂以仁義理天下其德化刑政存乎詩至於幽厲失道始變風變雅作矣平王東遷諸侯力政逮五霸之後則王道不絕如綫故仲尼定禮樂作春秋然後三代遺風弛而復張而無時無位功烈不得被於天下但門人傳述而已陵夷至於戰國於是申商苛虐孫吳變詐以族論罪殺人盈城談說者又以慎墨蘇張為宗則孔氏之道幾乎

息矣有志之士所為痛心疾首也故孟軻闡其前荀卿

振其後觀其立言措事根極理要敷陳往古摘音挈當

世撥亂興理易於反掌真名世之士王者之師又其書

亦所以羽翼六經增光孔氏非徒諸子之言也蓋周公

制作之仲尼祖述之荀孟贊成之所以膠固王道至深

至備雖春秋之四夷交侵戰國之三綱弛絕斯道竟不

墜矣倖以末宦之暇頗窺篇籍竊感炎黃之風未洽於

聖代謂荀孟有功於時政尤所耽慕而孟子有趙氏章

句漢氏亦嘗立博士傳習不絕故今之君子多好其書
獨荀子未有註解亦復編簡爛脫傳寫謬誤雖好事者
時亦覽之至於文義不通屢掩卷焉夫理曉則愜心文
舛則忤意未知者謂異端不覽覽者以說誤不終所以
荀氏之書千載而未光焉輒用申抒鄙思敷尋義理其
所徵據則博求諸書但以古今字殊齊楚言異事資參
考不得不廣或取偏傍相近聲類相通或字少增加文
重刊削或求之古字或徵諸方言加以孤陋寡儔愚昧

多蔽穿鑿之責於何可逃曾未足粗明先賢之旨適增其蕪穢耳蓋以自備省覽非敢傳之將來以文字煩多故分舊十二卷三十二篇為二十卷又改孫卿新書為荀卿子其篇第亦頗有移易使以類相從云時歲在戊戌大唐睿聖文武皇帝元和十三年十二月也

欽定四庫全書薈要卷一萬一百二十二

子部

荀子卷一

唐 楊倞 註

勸學篇第一

君子曰學不可以已青出之於藍而青於藍冰水為之

而寒於水

以喻學則才過其本性也

木直中繩輮以為輪其曲中規

雖有槁暴不復挺者輮使之然也

輮屈槁枯暴乾挺直也晏子春秋作不復

矣羸故木受繩則直金就礪則利君子博學而日參省乎

已則知明而行無過矣

參三也會子曰吾日三省吾身知讀為智行音下孟反故

不登高山不知天之高也不臨深谿不知地之厚也不

聞先王之遺言不知學問之大也

大謂有蓋於人

于越夷貊之

子生而同聲長而異俗教使之然也

于越猶言吳越呂氏春秋荆有飲飛

得寶劍於于越高誘曰吳邑也貊東北夷同聲謂啼聲同貊莫革反

詩曰嗟爾君子無恒

安息靖共爾位好是正直神之聽之介爾景福

詩小雅小明之

篇靖謀介助景大也無恒安息戒之不使懷安也言能謀恭其位好正直之道則神聽而助之福引此詩以喻

勸神莫大於化道福莫長於無禍

為學則化道故神莫大焉修身則自無禍

故福莫長焉

吾嘗終日而思矣不如須臾之所學也吾嘗跂

而望矣不如登高之博見也

跂舉足也

登高而招臂非加長

也而見者遠順風而呼聲非加疾也而聞者彰假輿馬

者非利足也而致千里假舟楫者非能水也而絕江河

能善絕過

君子生非異也善假於物也

皆以喻修身在假於學生非異言與衆人

也同南方有鳥焉名曰蒙鳩以羽為巢而編之以髮繫之

葦苕風至苕折卵破子死巢非不完也所繫者然也

蒙鳩

鷦鷯也苕葦之秀也今巧婦鳥之巢至精密多繫於葦竹之上是也蒙當為蔑方言云鷽鷽自關而西謂之桑

飛或謂之蔑雀或曰一名蒙鳩亦以其愚也言人不知學問其所置身亦猶繫葦之危也說苑客謂孟嘗君曰鷦鷯巢於葦苕著之以髮可完堅矣西方有木焉名曰大風至則葦折卵破何也所託然也

射干莖長四寸生於高山之上而臨百仞之淵木莖非

能長也所立者然也

本草藥名有射干一名烏嬰陶弘景云花白莖長如射人之執竿又

引阮公詩云射干臨層城是生於高處也據本草在草部中又生南陽川谷此云西方有木未詳或曰長四寸即是草云木誤也蓋生南陽亦生西方也射音夜蓬生麻中不扶而直蘭槐之

根是為芷其漸之滌君子不近庶人不服其質非不美

也所漸者然也

蘭槐香草也其根是為芷也本草白芷一名白芷陶弘景云離騷所謂蘭芷也

蓋苗名蘭蓀根名芷也蘭槐當是蘭蓀別名故云蘭槐之根是為芷也漸漬也染也滄溺也言雖香草浸漬於溺中則可惡也漸子廉反滄思酒反故君子居必擇鄉遊必就士所以防

邪僻而近中正也物類之起必有所始榮辱之來必象

其德肉腐出蟲魚枯生蠹怠慢忘身禍災乃作彊自取

柱柔自取束

凡物彊則以為柱而任勞柔則見束而約急皆其自取也

邪穢在身怨

之所構

構結也言亦所自取也

施薪若一火就燥也

布薪於地均若一火就燥

而焚也

平地若一水就濕也草木疇生禽獸羣焉物各從

其類也

疇與倚同類也

是故質的張而弓矢至焉林木茂而斧

斤至焉

所謂名禍也質射侯的正鵠也

樹成蔭而衆鳥息焉醯醢而蚋

聚焉

喻有德則慕之者衆

故言有召禍也行有招辱也君子慎其

所立乎

禍福如此不可不慎所立所立即謂學也

積土成山風雨興焉積水

成淵蛟龍生焉積善成德而神明自得聖心循焉

神明自得

謂自通於神明

故不積跬步無以至千里

半步曰跬與跬同

不積小流

無以成江河騏驥一躍不能十步駑馬十駕

言駑馬十度引車則

亦及騏驥之一躍據下云駑馬十駕則亦及之此亦當同疑脫一句

功在不舍鍤而舍之

朽木不折鍤而不舍金石可鏤

言立功在於不舍舍與捨同音鍤刻也苦結反

春秋傳曰陽虎借邑人之車鑿其軸也

螭無爪牙之利筋骨之彊上食埃

土下飲黃泉用心一也

螭與蛇同
蚯蚓也

蟹六跪而二螯非蛇

蠃之穴無所寄託者用心躁也

跪足也韓子以朋足為朋跪螯蟹首上如鉞者

許叔重說文云蟹六足二螯也

是故無冥冥之志者無昭昭之明無惛

惛之事者無赫赫之功

冥冥惛惛皆專然精誠之謂也

行衢道者不至

事兩君者不容

爾雅云四通謂之衢孫炎云衢交道四出也或曰衢道兩道也不至不能有所

至下篇有楊朱哭衢塗今秦俗猶以兩為衢古之遺言歟

目不兩視而明耳不兩聽

而聰螭蛇無足而飛

爾雅云螭螭蛇郭璞云龍類能興雲霧而遊其中也

梧鼠五

技而窮

梧鼠當為鼯鼠蓋本誤為鼯字傳寫誤為梧耳
技才能也言技能雖多而不能如螭蛇專一故

窮五技謂能飛不能上屋能緣不能窮木能
游不能渡谷能穴不能掩身能走不能先人詩曰鴈鵠

在桑其子七兮淑人君子其儀一兮其儀一兮心如結

兮故君子結於一也

詩曹風鴈鵠之篇毛萇云鴈鵠鵠
鵠也鴈鵠之養七子旦從上而下

夕從下而上平均如一善人君子其執義亦當如
鴈鵠之一執義一則用心堅固故曰心如結也

昔者

瓠巴鼓瑟而流魚出聽

瓠巴古之善鼓瑟者不知何代
人也流魚中流之魚也列子云

瓠巴鼓瑟鳥
舞魚躍也

伯牙鼓琴而六馬仰秣

伯牙古之善鼓琴
者亦不知何代人

也六馬天子路車之馬也漢書曰乾六車坤六馬白虎
通曰天子之馬六者示有事於天地四方也張衡西京

賦曰天子駕彫軫六駿駟又曰六玄蚪之
奕奕齊騰驤而沛艾仰首而林聽其聲也故聲無小而

不聞行無隱而不形

形謂有形可見

玉在山而木草潤淵生珠

而崖不枯為善不積邪安有不聞者乎

崖岸枯燥

學惡乎始

惡乎終

假設問也

曰其數則始乎誦經終乎讀禮

數術也經謂詩書禮

謂與禮之屬也

其義則始乎為士終乎為聖人

義謂學之意言在乎修身也

真積力久則入

真誠也力行也誠積力久則能入於學也

學至乎沒而後止

也

生則不可怠惰也

故學數有終若其義則不可須臾舍也為

之人也舍之禽獸也故書者政事之紀也

書所以紀政事此說六經

之意詩者中聲之所止也

詩謂樂章所以節聲音至乎中而止不使流注也春秋傳曰中

聲已降五降之後不容彈矣

禮者法之大分羣類之綱紀也

禮所以為典法

之大分統類之綱紀類謂禮法所無觸類而長者猶律條之比附方言云齊謂法為類也

故學至乎

禮而止矣夫是之謂道德之極禮之敬文也

禮有周旋揖讓之敬

車服等級之文也

樂之中和也

中和謂使人得中和悅也

詩書之博也

博謂廣記

土風鳥獸草木及政事也

春秋之微也

微謂褒貶沮勸微而顯志而晦之類也

在天地

之間者畢矣君子之學也入乎耳著乎心布乎四體形

乎動靜

所謂古之學為已入乎耳著乎心謂聞則志而不忘也布乎四體謂有感儀潤身也形乎動靜

謂知所端而言蠕而動一可以為法則端讀為喘喘微措履也

一皆也或喘息微言或蠕蠢微動皆可以為法小人則蠕音人元反或曰端而言謂端莊而言也

學也入乎耳出乎口所謂今之學為人道聽塗說也口耳之間則四寸

耳曷足以美七尺之軀哉韓侍郎云則當為財與纔同古之學者為

己今之學者為人君子之學也以美其身小人之學也

以為禽犢禽犢饋獻之物也故不問而告謂之傲傲喧噪也言與戲傲無異

或曰讀為噉聲口噉噉即讀字也問一而告二謂之噴謂以言彊讚

助之今贊禮謂之贊贊即讚字也傲非也噴非也君子如嚮矣嚮與響同

響應聲

學莫便乎近其人

謂賢師也

禮樂法而不說

有大法而不曲說也

詩書故而不切

詩書但論先王故事而不委曲切近於人故曰學詩三百使於四方不能專對

也春秋約而不速

文義隱約褒貶難明不能使人速曉其意

方其人之習君

子之說則尊以徧矣周於世矣

當其習說之時則尊高而徧周於世事矣六經

則不能然之也

故曰學莫便乎近其人學之經莫速乎好其人

隆禮次之

學之大經莫速於好近賢人若無其人則隆禮為次之

上不能好其人

下不能隆禮安特將學雜識志順詩書而已耳則末世

窮年不免為陋儒而已

安語助猶言抑也或作安或作案荀子多用此字禮記三年問

作焉戰國策謂趙王曰秦與韓為上交秦禍案移於梁
矣秦與梁為上交秦禍案攘於趙矣呂氏春秋吳起謂
商文曰今置質為臣其主安重釋璽辭官其主安輕蓋
當時人通以安為語助或方言耳特猶言直也雜識志
謂雜志記書百家之說言既不能好其人又不能降禮
直學雜說順詩書而已豈免為陋儒乎言不通變也
將原先王本仁義則禮正其經緯蹊徑也

所成所出皆在於禮也

若挈裘領詘五指而頓之順者不可勝數也

言禮亦為人之綱領

挈舉也詘與屈同頓挈也順者不可勝數言禮皆順也

不道禮憲以詩書為之

道言

說也憲標表也

譬之猶以指測河也以戈舂黍也以錐殮壺也

不可以得之矣故隆禮雖未明法士也不隆禮雖察辨

散儒也

散謂不自檢束莊子以不材木為散木也

問拮者勿告也

拮與苦同惡也問拮

謂所問非禮義也凡器物堅好者謂之功溫惡者謂之拮國語曰辨其功苦韋昭曰堅曰功脆曰苦故西京賦

曰驚良雜苦史記曰器不苦祿或曰拮讀為沽儀禮有沽功鄭玄曰麓也

告拮者勿問也說

拮者勿聽也有爭氣者勿與辨也故必由其道至然後

接之非其道則避之

道不至則不接

故禮恭而後可與言道之

方辭順而後可與言道之理色從而後可與言道之致

致極也此謂道至而後接之也

故未可與言而言謂之傲

傲亦戲傲也論語曰言未

及而言謂之躁

可與言而不言謂之隱不觀顏色而言謂之瞽

故君子不傲不隱不瞽謹順其身

瞽者不識人之顏色

詩曰匪交

匪紆天子所予此之謂也

詩小雅采芣之篇匪交當為彼交言彼與人交接不敢紆

緩故受天子之賜予也

百發一失不足謂善射千里踰步不至不

足謂善御

未能全盡

倫類不通仁義不一不足謂善學

通倫類謂

禮法所未該以其等倫比類而通之謂一以貫之觸類而長也一云仁義謂造次不離他術不能亂也

學

也者固學一之也一出焉一入焉塗巷之人也

或善其或否

善者少不善者多桀紂盜跖也

盜跖柳下惠之弟聚徒九千人於太山之傍侵

諸侯孔子說之而不入也

全之盡之然後學者也

學然後全盡

君子知夫

不全不粹之不足以為美也故誦數以貫之

使習禮樂詩書之數

以貫穿之也

思索以通之

思求其意也

為其人以處之

為擇賢人與之處也

除其害者以持養之使目非是無欲見也使耳非是無

欲聞也使口非是無欲言也使心非是無欲慮也

是猶此也

謂學也或曰是謂正道也

及至其致好之也目好之五色耳好之五

聲口好之五味心利之有天下

致極也謂不學極恣其性欲不可禁也心利之

有天下之富也或曰學成之後必受榮貴故能盡其欲也

是故權利不能傾也羣衆

不能移也天下不能蕩也

蕩動也覆說為學學則物不能傾移也

生乎由

是死乎由是夫是之謂德操

死生必由於學是乃德之操行

德操然後

能定能定然後能應

我能定故能應物也

能定能應夫是之謂成

人乃為成就之人也

天見其明地見其光君子貴其全

也

見顯也明謂日月光謂水火金玉天顯其日月之明而地顯其水火金玉之光君子則貴其德之全也

脩身篇第二

見善脩然必以自存也

脩然整飾貌言見善必自整飾使存於身也

見不善

愀然必以自省也

愀然憂懼貌自省其過也

善在身介然必以自好

也

介然堅固貌易曰介如石焉自好自樂其善也

不善在身也菑然必以自惡

也舊讀為災災然故非我而當者吾師也是我而當者

災害在身之貌

吾友也諂諛我者吾賊也故君子隆師而親友以致惡

其賊

致猶極也下同

好善無厭受諫而能誠雖欲無進得乎哉

小人反是致亂而惡人之非已也致不肖而欲人之賢

已也心如虎狼行如禽獸而又怨人之賊已也諂諛者

親諫諍者䟽修正為笑至忠為賊雖欲無滅亡得乎哉

至忠反以為賊

詩曰噲噲訛訛亦孔之哀謀之其臧則具是違

謀之不臧則具是依此之謂也

詩小雅小旻之篇毛注云噲噲然忠其上訛訛

然不思稱乎上鄭云臣不事君亂之
階也故甚可哀喻許急反訛音紫
偏善之度以治氣

養生則後彭祖以修身自名則配堯禹

偏讀為辨韓詩外傳曰君子有

辨善之度言君子有辨別善之法即謂禮也言若用禮
治氣養生則壽不及於彭祖若以修身自為名號則配
堯禹不朽矣言禮雖不能治氣養生而長於修身自為
名號以此辨之則善可知矣彭祖堯臣名鏗封於彭城
經虞夏商壽
七百歲也
宜於時通利以處窮禮信是也
信誠也言所用修身

及時通處窮禮誠是也孟子曰君
子窮則獨善其身達則兼善天下
凡用血氣志意知慮

由禮則治通不由禮則勃亂提侵

提侵舒緩也爾雅云媿媿安也詩曰好人

提提皆舒
緩之義
食飲衣服居處動靜由禮則和節不由禮則

觸陷生疾容貌態度進退趨行由禮則雅不由禮則夷

固辟違庸衆而野

夷倨也論語曰原壤夷俟因陋也庸凡庸衆衆人野郊野之人

故人

無禮則不生事無禮則不成國家無禮則不寧詩曰禮

儀卒度笑語卒獲此之謂也

詩小雅楚茨之篇卒盡也獲得也

以善先

人者謂之教以善和人者謂之順

先謂首唱也和胡卧反下同

以不

善先人者謂之諂以不善和人者謂之諛

諂之言陷也謂以佞言陷

之諛與俞同義故為不善和人也

是是非非謂之知

能辨是為是非非為非謂之智也

是是非謂之愚

以是為非以非為是謂之愚也

傷良曰讒害良曰賊是

謂是非謂非曰直竊貨曰盜匿行曰詐易言曰誕趣舍

無定謂之無常

不恒之人

保利弃義謂之至賊

保安

多聞曰博

少聞曰淺多見曰閑

閑習也能習其事則不迫遽

少見曰陋難進曰

促

促與提提皆同謂舒緩也

易忘曰漏少而理曰治多而亂曰耗

少謂

舉其要而有條理謂之治耗虛竭也凡物多而易盡曰耗也

治氣養心之術

言以禮修身是

亦治氣養心之術不必如彭祖也

血氣剛彊則柔之以調和知慮漸深

則一之以易良

漸進也或曰漸浸也子康反詩曰漸車帷裳言智慮深則近險詐故一之以易

良也勇膽猛戾則輔之以道順

膽有脆氣戾忽惡也此性多不順故以道順輔之也

齊給便利則節之以動止

兩雅云齊疾也齊急便利皆捷速也懼其太陵遽故節之

使安徐也

狹隘褊小則廓之以廣大卑濕重遲貪利則抗之

以高志

卑謂謙下濕亦謂自卑下如地之下濕然也方言濕優也自閭而西凡志而不得欲而不獲高

而有墜行而中止皆謂之濕亦謂之過謙恭而無禮者重遲寬緩也夫過恭則無威儀寬緩恒不及機事貪利則苟得也故皆抗之高志也或曰卑濕亦謂遲緩也言遲緩之人如有卑濕之疾不能運動也

庸衆驚

散則刳之以師友

庸衆已解上驚謂材下如驚馬者也散不拘檢者也刳奪去也言以師友

去其舊性也

怠慢僇弃則炤之以禍災

僇輕也謂自輕其身也音匹妙反方言楚

謂相輕薄為僇炤之以禍災謂以禍災照燭之使知懼也炤與照同

愚款端慤則合之以

禮樂通之以思索

款誠款也說文云款意有所欲也愚款端慇多無潤色故曰合之以禮樂

此皆言修身之術在攻其所短也

凡治氣養心之術莫徑由禮莫要得

師莫神一好

徑捷速也神神明也一好謂好善不好惡也

夫是之謂治氣養

心之術也志意脩則驕富貴矣道義重則輕王公矣內

省則外物輕矣傳曰君子役物小人役於物此之謂也

君子能役物小人為物所役凡言傳曰皆舊所傳聞之言也

身勞而心安為之利少

而義多為之事亂君而通不如事窮君而順焉

窮君小國迫脅

之君也言事大國暴亂之君違道而通不如事小國之君順行其道也

故良農不為水旱

不耕良賈不為折閱不市

折損也閱賣也謂損所閱賣之物價也賈音古

士君

子不為貧窮急乎道體恭敬而心忠信術禮義而情愛

人也

術法

橫行天下雖困四夷人莫不貴

橫行不順理而行困窮也言所

至皆貴也

勞苦之事則爭先饒樂之事則能讓端慤誠信拘

守而詳

拘守謂守而勿失詳謂審於事也

橫行天下雖困四夷人莫不

任體倨固而心執詐術順墨而精雜汙

倨傲也固鄙固順墨當為慎墨

慎謂齊宣王時處士慎到也其術本黃老歸刑名先申韓其意相似多明不尚賢不使能之道著書四十一篇

墨翟宋人號墨子墨子著書三十五篇其術多務儉嗇精當為清雜汙謂非禮義之言也

橫行天下

雖達四方人莫不賤勞苦之事則偷懦轉脫

偷謂苟避於事懦亦

謂懦弱畏事皆怠惰之義或曰偷當為輸揚子方言懦輸愚也郭璞注謂懦撰也又云轉脫者謂懦之人苟求

免於事饒樂之事則佞兌而不曲

兌悅也言接悅於人以求饒樂之事不曲

謂直取之也辟違而不慤

乖辟違背不能端慤誠信辟讀為僻

程役而不錄

程功

役勞役錄檢束也於功程及勞役之事怠惰而不檢束言不能拘守而詳之也

橫行天下雖達

四方人莫不弃行而供冀非漬淖也

供恭也冀當為翼凡行自當恭敬非

謂漬於泥淖也人在泥淖中則兢兢然或曰李巡注爾雅冀州白冀近也恭敬謂不敢放誕也

行而俯

項非擊戾也

擊戾謂項曲戾不能仰者也擊戾猶言乖戾也

偶視而先俯非恐

懼也

偶視對視也

然夫士欲獨修其身不以得罪於比俗之

人也夫驥一日而千里驚馬十駕則亦及之矣將以窮

無窮逐無極與其折骨絕筋終身不可以相及也將有

所止之則千里雖遠亦或遲或速或先或後胡為乎其

不可以相及也不識步道者將以窮無窮逐無極與意

亦有所止之與行夫堅白同異有厚無厚之察非不察

也此言公孫龍惠施之曲說異理不可為法也堅白謂離堅白也公孫堅白論曰堅白石三可乎曰不可二

可乎曰可謂目視石但見白不知其堅則謂之白石手觸石則知其堅而不知其白則謂之堅石是堅白終不

可合為一也司馬彪曰堅白謂堅石非石白馬非馬也
同異謂使異者同同者異或曰即莊子所謂大同而與
小同異此之謂小同異言同在天地之間故謂之大同
物各有種類所同故謂之小同是大同與小同異也此
畧舉同異故曰此謂小同異莊子又曰萬物畢同畢異
此之謂大同異言萬物總謂之物莫不皆同是萬物畢
同若分而別之則人耳目鼻口百體草木枝葉花實無
不皆異是物畢異也此其舉同異故曰此之謂大同異
莊子又曰無厚不可積也其大千里無厚謂厚之極不
可為厚薄也不可積言其委積至多不可使復積也凡
無厚不可積因於有厚可積故得

然而君子不辨止之

也止而倚魁之行非不難也然而君子不行止之也

倚

也奇讀為奇偶之奇方言云秦晉之間凡物體全而不
具謂之倚魁大也倚魁皆謂偏倚狂怪之行莊子曰南

方有倚人焉故學曰遲彼止而待我我行而就之

學曰謂為

曰黃獮也

學者傳此言也遲待也直更反

則亦或遲或速或先或後胡為乎其不

可以同至也故跲步不休跛鼈千里累土不輟丘山崇

成

重意莊六十四章九層之臺起於累土千里之行始於足下

厭其源開其瀆江河

可竭

厭塞也音一涉反源江實也

一進一退一左一右六驥不致

言不

齊故不能致遠路也

彼人之才性之相懸也豈若跛鼈之與六驥

足哉然而跛鼈致之六驥不致是無他故焉或為之或

不為之耳道雖邇不行不至事雖小不為不成其為人

也多暇日者其出入不遠矣

多暇日謂怠惰出入謂道路所至也

好法而

行士也

好法而能行則謂之士事也謂能治其事也

篤志而體君子也

厚其志而

知大體者也

齊明而不竭聖人也

齊謂無偏頗也不竭不窮也書曰成湯克齊聖廣淵

人無法則伋伋然

伋伋無所適貌也言不知所措履禮記曰伋伋乎其何之

有法而

無志其義則渠渠然

渠讀為遽古字渠遽通渠渠不寬泰之貌志識也不識其義謂但拘

守文字而已

依乎法而又深其類然後溫溫然

深其類謂深知統類溫溫

有潤澤之貌舉類君子所難故屢言之也

禮者所以正身也師者所以正禮

也無禮何以正身無師吾安知禮之為是也禮然而然

則是情安禮也師云而云則是知若師也情安禮知若

師則是聖人也

情安禮謂若天性所安不以學也行不違禮言不違師則與聖人無異言師法

之效如此

故非禮是無法也非師是無師也

無師謂不以師為師

不是

師法而好自用譬之是猶以盲辨色以聾辨聲也舍亂

妄無為也

舍除也除亂妄之人孰肯為此也

故學也者禮法也夫師以

身為正儀而貴自安者也

效師之禮法以為正儀如性之所安斯為貴也禮或為體

詩曰不識不知順帝之則此之謂也

詩大雅皇矣之篇引此以喻師法暗

合天道如文王雖未知已順天之法則也

端慤順弟則可謂善少者矣

弟與悌同

加好學遜敏焉則有鈞無上可以為君子者矣

既好學遜敏又

有鈞平之心而無上人之意則可以為君子矣或曰有鈞無上四字衍耳

偷懦憚事無廉恥

而嗜乎飲食則可謂惡少者矣

偷懦憚事皆謂懦弱怠惰喪勞苦之人也

加

惕悍而不順險賊而不弟焉

韓侍郎云惕與蕩同字作心遑易謂放蕩兇悍也

則可謂不詳少者矣雖陷刑戮可也

詳當為祥

老老而壯者

歸焉

老老謂以老為老而尊敬之也孟子曰伯夷太公二老者天下之大老也是天下之父也其父歸之

其子

不窮窮而通者積也

窮者則寬而容之不迫蹙以苛政謂惠恤鰥寡窮匱也積

填委也既然則通者歸亦多矣覆巢毀卵則鳳皇不至竭澤涸魚則蛟龍不遊又與此同也

行乎冥

冥施乎無報而賢不肖一焉

行乎冥冥謂行事不務求人知之知施乎無報謂施不

務報如此賢不肖同慕而歸之也

人有此三行雖有大過天其不遂乎

若不幸而有過天亦佑之矣此固不宜有大災也

君子之求利也略其遠思也

早其避辱也懼其行道理也勇君子貧窮而志廣富貴

而體恭安燕而血氣不惰勞勩而容貌不枯怒不過奪

喜不過予

予賜也周禮八柄三曰予以取其幸

君子貧窮而志廣隆仁也

仁愛之心厚故所思者廣言務於遠大濟物也

富貴而體恭殺勢也

滅權勢之威故形體

恭敬殺

安燕而血氣不惰東理也

東與簡同言東擇事理所宜而不務驕逸

故雖安燕而不至怠惰

勞勸而容貌不枯好交也

以和好交接於物志意常泰也

怒不過奪喜不過予法勝私也

以公滅私故賞罰得中也

書曰無有

作好遵王之道無有作惡遵王之路此言君子之能以

公義勝私欲也

書洪範之辭

荀子卷一

欽定四庫全書養要卷一萬一百二十三

子部

荀子卷二

唐 楊倞 註

不苟篇第三

君子行不貴苟難說不貴苟察

行如字 察聰察

名不貴苟傳唯

其當之為貴

當謂合禮義也 當丁浪反

負石而赴河是行之難為者

也而申徒狄能之

申徒狄恨道不行發憤而負石自沈於河莊子音義曰殷時人韓詩外傳

曰申徒狄將自投於河 崔嘉聞而止之不從也

然而君子不貴者非禮義之中

也 禮義之中時止則止時行則行不必枯槁赴淵也揚
子雲非屈原曰君子遭時則大行不遇時則龍蛇何

必沈 身也 山淵平天地比 比謂齊等也莊子曰天與地卑山
與澤平音義曰以地比天則地卑

於天若宇宙之高則天地皆卑天地皆卑則山與澤平
矣或曰天無實形地之上空虛者盡皆天也是天地長
親比相隨無天高地下之殊也在高山則天亦高在深
淵則天亦下故曰天地比地去天遠近皆相似是山澤
平也 齊秦襲 襲合也齊在東秦在西相去甚遠若以天地
之大包之則曾無隔異亦可合為一國也

入乎耳出乎口 未詳所明之意或曰即山出口也言山
有耳口也凡呼於一山衆山皆應是山

聞人聲而應之故曰入乎耳出乎口 鈞有須 未詳自齊
或曰山能吐納雲霧是以有口也 秦襲入乎

耳出乎口鈞有須皆淺學所未見或曰鈞有須即丁子
有尾也丁之曲者為鈞須與尾皆尾類是同也莊子音

義云夫萬物無形形無定稱在上為首在下為尾世人謂右行曲波為尾今丁子二字雖左行曲波亦是尾也

卵有毛

司馬彪曰胎卵之生必有毛羽雞伏鵠卵卵不為雞則生類於鵠也毛氣成毛羽氣成羽雖胎

卵未生而毛羽之性已著矣故曰卵有毛也

是說之難持者也而惠施鄧析

能精之

皆異端曲說故曰難持惠施梁相與莊子同時其書五車其道舛駁鄧析鄭大夫劉向云鄧析

好刑名操兩可之說設無窮之辭數難子產為政子產執而戮之按左氏傳鄭駟敵殺鄧析而用其竹刑而云子產戮之恐誤也然而君子不貴者非禮義之中也盜跖吟口

名聲若日月與舜禹俱傳而不息然而君子不貴者非

禮義之中也

吟口吟咏長在人口也說苑作盜跖凶貪也

故君子行不貴苟

難說不貴苟察名不貴苟得唯其當之為貴詩曰物其

有矣唯其時矣此之謂也

詩小雅魚麗之篇言雖有物亦須得其時以喻當之為貴

君子易知而難狎

坦蕩蕩故易知不比黨故難狎

易懼而難脅

小心而志不可

也畏患而不避義死欲利而不為所非

心以為非則捨之交親

而不比

親謂仁思比謂昵狎

言辯而不辭

辯足以明事不至於聘辭

蕩蕩乎其

有以殊於世也

與俗人有異也

君子能亦好不能亦好小人能

亦醜不能亦醜君子能則寬容易直以開道人

道與不導同

能則恭敬縛紕以畏事人

縛與導同紕與黜同謂自導節貶損也

小人能

則倨傲僻違以驕溢人

溫滿

不能則妬嫉怨誹以傾覆人

故曰君子能則人榮學焉不能則人樂告之小人能則

人賤學焉不能則人羞告之是君子小人之分也

分異也如

字

君子寬而不侵

侵與慢同怠情也

廉而不剋

廉稜也說文云剋利傷也但有

廉隅不至於兩傷也

辯而不爭察而不激

但明察而不激切也

寡立而不勝

堅彊而不暴

雖寡立而不能勝雖堅彊而不亢暴

柔從而不流恭敬謹慎

而容

不至於孤介也

夫是之謂至文

言德備也

詩曰溫溫恭人維德

之基此之謂矣

詩大雅抑之篇溫溫寬柔貌

君子崇人之德揚人之

美非諂諛也正義直指舉人之過惡非毀疵也

疵病也或曰讀

為言已之光美擬於禹舜參於天地非夸誕也與時屈

伸柔從若蒲葦非懾怯也

蒲葦所以為席可卷者也

剛彊猛毅靡所

不信非驕暴也

信讀為伸下同古字通用

以義變應知當曲直故也

以義隨變而應其所知當於曲直也

詩曰左之左之君子宜之右之右之

君子有之此言君子之能以義屈伸變應也

詩小雅裳裳者華之

篇以能應變故左右無不得其宜也

君子小人之反也

與小人相反

君子大心

則天而道小心則畏義而節

天而道謂合於天而順道

知則明通而

類

類謂知統類也

愚則端慤而法

愚謂無機智也法謂守法度也

見由則恭而

止

由用也止謂不放縱也由止禮也言恭而有禮

見閉則敬而齊

謂閉塞道不行也敬

而齊謂自齊

喜則和而理憂則靜而理

皆當其理

通則文而

整而不怨也

明

有文而彰明也

窮則約而詳

隱約而詳明其道也

小人則不然大心則

慢而暴小心則淫而傾

以邪詔事人也

知則攫盜而漸

漸進也謂貪利

不知止也

愚則毒賊而亂

毒害也愚而無畏忌也

見由則兌而倨

兌言也言

喜於徵幸而倨傲也

見閉則怨而險

怨上而險賊也

喜則輕而翺

輕謂輕能失據

翺小飛也言小人之喜輕能如小鳥之翺然音許緣反或曰與環同說文云急也

憂則挫而懾

通則驕而偏

偏頗

窮則弃而僂

弃自弃也僂當為濕方言云濕優也字書無僂字韓

詩外傳作弃而累也

傳曰君子兩進小人兩廢此之謂也君子治

治非治亂也曷謂耶曰禮義之謂治非禮義之謂亂也

故君子者治禮義者也非治非禮義者也然則國亂將

弗治與曰國亂而治之者非紊亂而治之之謂也去亂

而被之以治

案據也據舊亂而治之也荀子案案多為語助與此不同

人汙而修之

者

人有汙穢之行將修為善

非紊汙而修之之謂也去汙而易之以

修故去亂而非治亂也去汙而非修汙也治之為名猶

曰君子為治而不為亂為修而不為汙矣

治之名號如此

君子

挈其辯而同焉者合矣

挈修整也謂不煩雜

善其言而類焉者應

矣

出其言善千里之外應之

故馬鳴而馬應之非知也其勢然也

音知

智故新浴者振其衣新沐者彈其冠人之情也

言潔其身者懼

外物之汙也猶賢者必不受不善人之汙者也

其誰能以已之焦焦受人之搢

搢者哉

焦焦明察之貌也焦盡謂窮盡明於事易曰窮理盡性搢當為惑惑惜也楚辭曰安能以身之

察察受物之惜惜

君子養心莫善於誠

無姦詐則心常安也

致誠

者乎焦子謂反

則無他事矣

致極也極其誠則外物不能害

唯仁之為守唯義之為行

致其誠誠心守仁則形形則神神則能化矣

誠心守於仁愛則必

形見於外則下尊之如神能化育之矣化謂遷善也

誠心行義則理理則明明則

能變矣

義行則事有條理明而易人不欺欺故能變改其惡也

變化代興謂之天

德

既能變化則德同於天馴致於善謂之化改其舊質謂之變言始於化終於變也猶天道陰陽運行則為

化春生冬落則為變也

天不言而人推高焉地不言而人推厚焉

四時不言而百姓期焉

期謂知其時候

夫此有常以至其誠者

也

至極也天地四時所以有常如此者由極其誠所致

君子至德嘿然而喻未施

而親不怒而威

君子有至德所以嘿然不言而人自喻其意

夫此順命以慎

其獨者也

人所以順命如此者由慎其獨所致也慎其獨謂戒慎乎其所不睹恐懼乎其所不聞至

誠不欺故

善之為道者不誠則不獨

無至誠則不能慎其獨也

獨則不形

不能慎其獨故其德亦不能形見於外

不形則雖作於心見於

色出於言民猶若未從也雖從必疑

若如也無至誠故雖士令民猶如未

從者雖強使之從亦必疑之也

天地為大矣不誠則不能化萬物聖人

為知矣不誠則不能化萬民父子為親矣不誠則疏君

上為尊矣不誠則卑

卑謂不為在下所尊

夫誠者君子之所守也

而政事之本也唯所居以其類至

所居所止也唯其所止至誠則以類自至

謂天地誠則能化萬物聖人誠則能化萬民父子誠則親君上誠則尊也操之則得之舍之

則失之

操持

操而得之則輕

持至誠也而得之則易舉也詩曰德輶如毛是也

輕

則獨行

舉至誠而不難則慎獨之事自行矣

獨行而不舍則濟矣

至誠存乎不已

濟而材盡長遷而不反其初則化矣

既濟則材性自盡長遷不反其初謂

中道不廢也

君子位尊而志恭心小而道大所聽視者近而

所聞見者遠是何邪是操術然也

謂以近知遠以今知古所持之術如此也

故千人萬人之情一人之情是也

人情不相遠

天地始者今

日是也百王之道後王是也

後王當今之王言後王之道與百王不殊行堯舜則

亦是堯舜

君子審後王之道而論於百王之前若端拜而議

端玄端朝服也端拜猶言端拱言君子審後王所宜施行之道而以百王之前比之若服玄端拜揖而議言其

從容不勞也時人多言後世澆漓難以爲治故荀卿明之

推禮義之統分是非之分

上分如字下無問反分之使當其分

揔天下之要治海內之衆若使一人

故操彌約而事彌大

約少也得其宗主也

五寸之矩盡天下之方

也

矩正方之器也

故君子不下室堂而海內之情舉積此者則

操術然也

舉皆也

有通士者有公士者有直士者有慤士

者有小人者上則能尊君下則能愛民物至而應事起

而辨若是則可謂通士矣

物有至則能應之事有疑則能辨之通者不滯之謂也

不下比以闇上不上同以疾下

闇上掩上之明也疾與嫉同

分爭於

中不以私害之若是則可謂公士矣

謂於事之中有分爭者不以私害之

則可謂公正之士也

身之所長上雖不知不以悖君

不怨君而違悖也

身

之所短上雖不知不以取賞

受祿不誣

長短不飾以情自竭

若是則可謂直士矣

不矜其長不掩其短但任直道而竭盡其情也

庸言必信

之庸行必慎之

庸常也謂言常信行常慎

畏法流俗而不敢以其所

獨甚

法效也畏法流移之俗又不敢以其所獨善而甚過人謂不敢獨為君子也

若是則可

謂慤士矣

端慤不貳

言無常信行無常貞唯利所在無所不

傾

利之所在皆傾意求之

若是則可謂小人矣公生明偏生闇端

慤生通詐偽生塞

多窮塞也

誠信生神

誠信至則通於神明中庸曰至誠如神

夸誕生惑

矜夸妄誕則貪惑於物

此六生者君子慎之而禹桀所

以分也

所以分賢愚也

欲惡取舍之權

舉下事也

見其可欲也則必

前後慮其可惡也者見其可利也則必前後慮其可害

也者而兼權之熟計之

權所以平輕重者熟甚也猶成熟也

然後定其欲

惡取舍如是則常不失陷矣凡人之患偏傷之也

偏謂見其

一見其可欲也則不慮其可惡也者見其可利也則不

顧其可害也者是以動則必陷為則必辱是偏傷之患

也人之所惡者吾亦惡之賢人欲惡之不必異於衆人也夫富貴者則

類傲之富貴之類不論是非皆傲之也夫貧賤者則求柔之見貧賤者皆柔屈就

之也是非仁人之情也是姦人將以盜名於晦世者也險

莫大焉姦人盜富貴貧賤之名於昏闇之世晦與暗同故曰盜名不如盜貨田

仲史鮪不如盜也田仲齊人處於陵不食兄祿辭富貴為人灌園號曰於陵仲子史鮪衛大

夫字子魚

質直也

榮辱篇第四

橋泄者人之殃也

泄與媒同媾也殃或為袂

恭儉者偏五六也

偏當為屏

却也說文有僻字僻宴也與此義不同僻防正反

雖有戈矛之刺不如恭儉之

利也

言入人深

故與人善言煖於布帛傷人之言深於矛戟

故薄薄之地不得履之非地不安也危足無所履者也

凡在言也

薄薄謂磅礴廣大之貌危足側足也凡皆也所以廣大之地側足無所容者皆由以言害

身巨塗則讓小塗則殆雖欲不謹若云不使

殆近也凡行前遠而

後近故近者亦後之義謂行於道塗大道並行則讓之小道可單行則後之若能用意如此雖欲為不謹敬若

有制物而不使之者儒行曰

快快而亡者怒也

肆其快意而亡

由於忿怒也

察察而殘者忤也

至明察而見傷殘者由於有忤害之心也

博而窮

者訾也

言辭辯博而見窮感者由於好毀訾也

清之而俞濁者口也

欲求其清

而俞濁者在口說之過謂言過其實也或曰潔其身則自清也但能口說斯俞濁也俞讀為愈

泰之而

俞瘠者交也

所交接非其道則必患難雖食芻豢而更瘠也故上篇云勞勩而容貌不枯好交也

辯而不說者爭也

不說不為人所稱說或讀為悅

直立而不見知者勝

也

直立謂已直人曲勝謂好勝人

廉而不見貴者劇也

劇傷也刻已太過不得中道故

不見貴也

勇而不見憚者貪也

貪利則委曲求人故雖勇而不見憚

信而不見

敬者好剽行也

剽與專同專行謂不度是非好復言如白公者也

此小人之所

務而君子之所不為也鬪者忘其身者也忘其親者也

忘其君者也行其少頃之怒而喪終身之軀然且為之

是忘其身也室家立殘親戚不免乎刑戮然且為之是

忘其親也

蓋當時禁鬪殺人之法戮及親戚尸子曰非人君之用兵也以爲民傷鬪則以親戚殉一

言而不改之也

君上之所惡刑法之所大禁也然且為之是忘

其君也憂忘其身

遭憂患刑戮而不能保其身是憂忘其身也或曰當為下忘其身誤為憂

耳內忘其親上忘其君是刑法之所不赦也聖王之所

不畜也乳彘觸虎乳狗不遠遊不忘其親也小人憂忘
其身內忘其親上忘其君則是人也而曾狗彘之不若
也凡鬪者必自以為是而以人為非也已誠是也人誠
非也則是已君子而人小人也以君子與小人相賊害
也憂以忘其身內以忘其親上以忘其君豈不過甚矣
哉是人也所謂以狐父之戈鑄牛矢也

時人舊有此語
喻以貴而用於

賤也狐父地名史記伍員曰吳王兵敗於狐父徐廣曰
梁碭之間也蓋其地山名戈其說未聞管子曰蚩尤為
雍狐之戟狐父之戈宜近此耶鑄刺也之欲反將以為
古良劍謂之屬鏑亦取其刺也或讀鑄為斫

智耶則愚莫大焉將以為利耶則害莫大焉將以為榮

耶則辱莫大焉將以為安耶則危莫大焉人之有鬪何

哉我欲屬之狂惑疾病也則不可聖王又誅之屬託也之欲反

我欲屬之鳥鼠禽獸耶則不可其形體又人而好惡多

同視其形體則又人也其好惡多與賢人同但好鬪為異耳人之有鬪何哉我甚醜

之其禍如此何為鬪也有狗彘之勇者有賈盜之勇者狗彘勇於求食賈盜

勇於求利賈音古有小人之勇者有士君子之勇者小人勇於暴士君子

勇於義言人有此數勇也爭飲食無廉恥不知是非不辟死傷不畏

衆彊忤忤然唯利飲食之見是狗彘之勇也

辟讀為避忤忤愛欲

之貌方言云忤愛也宋魯之間曰忤

為事利

為事及利也為于偽反

爭貨財無辭讓

果敢而振猛貪而利忤忤然唯利之見是賈盜之勇也

振動也戾乖背也春秋公羊傳曰葵丘之會桓公振而矜之何休云亢陽之貌也

輕死而暴是

小人之勇也義之所在不傾於權不顧其利舉國而與

之不為改視重死持義而不撓是士君子之勇也

雖重愛其

死而執節持義不撓曲以苟生也儒行曰愛其死以有待也

儵鮪者浮陽之魚也

儵鮪

魚名浮陽謂此魚好浮於水上就陽也今字書無鮪字蓋當為鰕說文云即鱣鮪鰕字蓋儵魚一名儵鰕莊

子與惠子遊於豪梁之上儉魚出遊是浮陽之
義或曰浮陽勃海縣名也儉音稠鹹布木反 肱於沙

而思水則無逮矣

肱與祛同揚子方言云祛去也齊趙之總語去於沙謂失水去在沙上也

莊子有肱篋篇亦取去之義

挂於患而欲謹則無益矣

人亦猶魚也

自知

者不怨人知命者不怨天怨人者窮

徒憤怨於人不自信者則窮迫無所

出怨天者無志

有志之士但自修身遇與不遇皆歸於命故不怨天

失之已反之

人豈不亦迂哉

迂失也反責人也

榮辱之大分安危利害之常

體先義而後利者榮先利而後義者辱榮者常通辱者

常窮通者常制人窮者常制於人

受制於人

是榮辱之大分

也

其中雖未必皆然然其大分如此矣

材慤者常安利蕩悍者常危害

材慤

謂材性愿慤也蕩悍已解於修身篇

安利者常樂易危害者常憂險

樂易歎樂

平易也詩所謂愷悌者也

樂易者常壽長憂險者常夭折是安危利

害之常體也

亦大率如此

夫天生烝民有所以取之

言天生衆民其

君臣上下職業皆有取之道非其道所以敗之也

志意致脩德行致厚智慮致

明是天子之所以取天下也

致極也言如此是乃天子之所以取天下之道也

政法令舉措時聽斷公

當為政法或口政當為正舉措時謂興力役不奪農時也

上則能順天子之命下則能保百姓是諸侯之所以取

國家也志行脩臨官治上則能順上下則能保職是士

大夫之所以取田邑也脩法則度量刑辟圖籍度丈尺量斗斛

刑法之書左氏傳曰先王議事以制不為刑辟圖謂摸寫土地之形籍謂書其戶口之數也不知其

義謹守其數慎不敢損益也若制所然父子相傳以持王公

世傳法則所以保持王公是故三代雖亡治法猶存是言王公賴之以為治也

官人百吏之所以取祿秩也孝悌原慤勑錄疾力以敦

比其事業而不敢怠傲是庶人之所以取煖衣飽食長

生久視以免於刑戮也勑與拘同拘錄謂自檢束也疾力謂速力而作也敦厚也比親

也言不敢怠惰也

飾邪說文姦言為倚事

倚已解上倚事怪異之事

陶誕突

盜

陶當為構抗之構頑嚚之貌突凌突不順也或曰陶當為逃隱匿其情也

惕悍憍暴

惕與蕩同

以偷生反側於亂世之間是姦人之所以取危辱死刑

也其慮之不深其擇之不謹其定取舍楮僇是其所以

危也

小人所以危亡由於計慮之失也楮惡也謂不堅固

材性知能君子小人一

也好榮惡辱好利惡害是君子小人之所同也若其所

以求之之道則異矣小人也者疾為誕而欲人之信已

也疾為詐而欲人之親已也禽獸之行而欲人之善已

也慮之難知也行之難安也持之難立也

慮之難知謂人難測其姦

詐行之難安言易顛覆也持之難立謂難扶持之也

成則必不得其所好必遇其

所惡焉

雖使姦詐得成亦必有禍無福

故君子者信矣而亦欲人之信

已也忠矣而亦欲人之親已也修正治辨矣而亦欲人

之善已也慮之易知也行之易安也持之易立也成則

必得其所好必不遇其所惡焉是故窮則不隱通則大

明

不隱謂人不能蔽隱

身死而名彌白

白彰明也

小人莫不延頸舉踵

而願曰知慮材性固有似賢人也

願猶慕也賢人謂賢過於人也

夫不

知其與已無以異也則君子注錯之當而小人注錯之

過也

注錯謂所注意錯履也亦與措智同義也

故熟察小人之知能足以知

其有餘可以為君子之所為也譬之越人安越楚人安

楚君子安雅

雅正也而有美德者謂之雅詩曰弁彼鸞斯歸飛提提鸞斯雅烏也

是非知

能材性然也是注錯習俗之節異也

習俗謂所習風俗節限之制也仁

義德行常安之術也然而未必不危也汗侵突盜常危

之術也然而未必不安也

侵當為漫漫亦汗也水冒物謂之漫莊子云北人無擇曰

舜以其辱行漫我漫莫半反莊子又曰澶漫為故曰君樂崔云注術也李云縱逸也一曰漫欺枉之也

子道其常而小人道其怪

道語謂非常之事取以自比也

凡人有所一

同飢而欲食寒而欲煖勞而欲息好利而惡害是人之所生而有也是無待而然者也是禹桀之所同也目辨

白黑美惡耳辨音聲清濁口辨鹹酸甘苦鼻辨芬芳腥

臊骨體膚理辨寒暑疾養

膚理肌膚之文理養與養同

是又人之所

常生而有也是無待而然者也是禹桀之所同也可以

為堯禹可以為桀跖可以為工匠可以為農賈在勢注

錯習俗之所積耳

在所積習

是又人之所生而有也是無待

而然者也是禹桀之所同也為堯禹則常安榮為桀跖

則常危辱為堯禹則常愉佚為工匠農賈則常煩勞然

而人力為此而寡為彼何也曰陋也

言人不為彼堯禹而為此桀跖由於

性之固陋者也

堯禹者非生而具者也夫起於變故成乎脩脩

之為待盡而後備者也

變故患難事故也言堯禹起於憂患成於脩飾由於待盡物理

然後乃能備之孟子曰天將降大任於是人也必先苦其心志勞其筋骨餓其體膚空乏其身行搢亂其所為所以動心忍性增益其所不能知

生於憂患而死於安樂為于偽反

人之生固小人無師

無法則惟利之見耳人之生固小人又以遇亂世得亂

俗是以小重小也以亂得亂也君子非得勢以臨之則

無由得開內焉

開小人之心中內善道也

今是人之口腹安知禮義

安知辭讓安知廉恥隅積

言口腹無所知隅二隅謂其分也積積習

亦哖哖

而噍鄉鄉而飽已矣

哖哖噍貌汝鹽反噍噍也才笑反鄉鄉趨飲食貌許諒反

人無

師無法則其心正其口腹也

人不學則心正如口腹之欲也

今使人生

而未嘗睹芻豢稻粱也惟菽藿糟糠之為睹則以至足

為在此也俄而粲然有秉芻豢稻粱而至者則矐然視

之曰此何怪也

粲精絜貌牛羊曰芻犬豕曰豢豢園也穀食於園中矐然驚視貌與獮同史

記曰故鳥不
瞞許聿反

彼臭之而無嫌於鼻

臭許又反嫌當為嫌
厭也苦厭反或下泰

反嘗之而甘於口食之而安於體則莫不棄此而取彼

矣今以夫先王之道仁義之統以相羣居以相持養以

相藩飾以相安固邪

持養保養也藩
飾藩蔽文飾也

以夫桀跖之道是

其為相縣也幾直夫芻豢之縣糟糠爾哉

言以先王之
道與桀跖相

縣豈止糟糠比芻豢
哉幾讀為豈下同

然而人力為此而寡為彼何也曰

陋也陋也者天下之公患也

公共有
此患也

人之大殃大害也

故曰人者好告示人告之示之靡之儼之鈇之重之

靡
順

從也。僇疾也。火緣反。靡之。僇之。猶言緩之。則夫塞者。俄
急之也。鈗與沿同。循也。撫循之。申重之也。

且通也。陋者。俄且憊也。愚者。俄且知也。

憊與憊同。猛也。方言云。晉魏之

問謂猛為憊。陋者。俄且憊。言鄙陋之人。俄且矜莊。有威儀也。詩曰。瑟兮憊兮。鄭云。憊。寬大也。下板反。

是若

不行。則湯武在上。曷益。桀紂在上。曷損。

若不行。告示之道。則湯武何益。

於天下。桀紂何損於百姓。所以貴湯武。賤桀紂。以行與不行耳。

湯武存。則天下從而治。

桀紂存。則天下從而亂。如是者。豈非人之情。固可與如

此。可與如彼也哉。人之情。食欲有芻豢。衣欲有文繡。行

欲有輿馬。又欲夫餘財蓄積之富也。

皆人之所貴也。

然而窮年

累世不知不足是人之情也

不知不足當為不知足剝不字或曰不足猶不得也

今人之生也方多蓄鷄狗猪彘又蓄牛羊然而食不敢

有酒肉餘刀布有困窮

刀布皆錢也刀取其利布取其廣困廩也園曰園方曰廩窮窘

也地藏曰窖

然而衣不敢有絲帛約者有筐篋之藏然

窮匹貌反

而行不敢有輿馬

約儉嗇也筐篋藏布帛者也言又富於餘刀布也

是何也非

不欲也幾不長慮顧後而恐無以繼之故也於是又節

用御欲

御制也或作禦止也

收歛蓄藏以繼之也是於已長慮顧

後幾不甚善矣哉

幾亦讀為豈

今夫偷生淺知之屬曾此而

不知也

偷苟且也

糧食大侈不顧其後俄則屈安窮矣

太讀為太

屈竭也安語助也猶言屈然窮矣安已解前

是其所以不免於凍餓操瓢囊

為溝壑中瘠者也

乞食羸瘦於溝壑者言不知久遠生業故至於此也

况夫先王

之道仁義之統詩書禮樂之分乎

為生業尚不能知况能知其遠大者分制

也扶問反彼固天下之大慮也將為天下生民之屬長慮顧

後而保萬世也其汙長矣其溫厚矣其功盛姚遠矣

汙古

流字溫猶足也言先王之道於生人其為溫足也亦厚矣姚與遙同言功業之盛甚長遠也

非熟脩

為之君子莫之能知也

熟甚也甚修飾作為之君子也

故曰短綆不可

以汲深井之泉知不幾者不可與及聖人之言

縵索也
幾近也

謂不近
於習也

夫詩書禮樂之分固非庸人之所知也故曰一

之而可再也

既知一則
務之二

有之而可久也

不可中
道而廢

廣之而

可通也

知禮樂廣博
則於事可通

慮之而可安也

思慮禮樂
則無危懼

反鈐察

之而俞可好也

鈐與洽同循也既知禮樂之後却
循察之俞可好而不厭俞音愈

以治

情則利

利益也禮記曰故聖王所以治人
之七情脩十義捨禮何以治之

以為名則榮

以羣則和以獨則足

知詩書禮樂羣居則
和同獨處則自足

樂意者其是

耶

樂意莫
過於此

夫貴為天子富有天下是人情之所同欲也

然則從人之欲則勢不能容物不能贍也故先王紫為

之制禮義以分之

以禮義分別上下也

使有貴賤之等長幼之差

知賢愚能不能之分皆使人載其事而各得其宜

載行也任

之也然後使慤祿多少厚薄之稱

慤實也謂實其祿使當其才稱尺證反

是

夫羣居和一之道也故仁人在上則農以力盡田賈以

察盡財百工以巧盡械器

盡謂精於事察謂明其盈虛說文云有盛為械無盛為器

士大夫以上至於公侯莫不以仁厚知能盡官職夫是

之謂至平

各當其分雖貴賤不同然謂之至平也

故或祿天下而不自以

為多

謂為天子以天下為祿也

或監門御旅抱關擊柝而不自以為

寡

監門主門也御讀為迓迓旅逆旅也抱關門卒也擊柝擊木所以警夜者皆知其分故雖賤而不以為寡

也故曰斬而齊枉而順不同而一夫是之謂人倫

舊有此語

引以喻貴賤雖不同不以齊一然而要歸於治也斬而齊謂彊斬之使齊若漢書之一切者枉而順雖枉曲不直然而歸於順也相同而一謂殊塗同歸也夫如此是人之倫理也詩曰受小共大共為

下國駿蒙此之謂也

詩殷頌長發之篇共執也駿大也蒙讀為龐厚也今詩作駿龐言湯

執小玉大玉大厚於下國言下皆賴其德也

荀子卷二

欽定四庫全書薈要卷一萬一百二十四

子部

荀子卷三

唐楊倞註

非相篇第五

相視也視其骨狀以知吉凶貴賤也妄誕者多以此惑世時人或矜其狀貌而忽於

務實故荀卿作此篇非之漢書刑法家有相人二十四篇

相人古之人無有也學者不道也道說古者有姑布子卿

姑布姓子卿名相趙襄子者或本無姑字

今之世梁有唐舉

相李斯蔡澤者

相人之

形狀顏色而知其吉凶妖祥世俗稱之古之人無有也

學者不道也

再三言者深非之也

故相形不如論心論心不如擇

術

術道術也

形不勝心心不勝術術正而心順之則形相雖

惡而心術善無害為君子也形相雖善而心術惡無害

為小人也君子之謂吉小人之謂凶故長短小大善惡

形相非吉凶也古之人無有也學者不道也蓋帝堯長

帝舜短文王長周公短仲尼長子弓短

子弓蓋仲弓也言子者著其為

師也漢書儒林傳駢臂字子弓江東人受易者也然駢臂傳易之外更無所聞荀卿子論說常與仲尼相配必

非駢臂也

昔者衛靈公有臣曰公孫呂身長七尺面長

駢音寒

三尺焉廣三寸鼻目耳具而名動天下

面長三尺廣三寸言其狹而長

甚也鼻目耳雖皆具而相去踈遠所以為異名動天下言天下皆知其賢或曰狹長如此不近人情恐文句誤

也楚之孫叔敖期思之鄙人也

杜元凱云期思楚邑名今弋陽期思縣鄙人郊

野之突禿長左軒較之下而以楚霸

突謂短髮可凌突人者故莊子說趙

劍士蓬頭突鬢長左左脚長也軒較之下而以楚霸言修文德不勞甲兵遠征伐也說文云軒曲輶也鄭注考

工記云較兩輶上出式者詩曰猗重較兮

葉公子高微小短瘠行若將不

勝其衣

葉公楚大夫沈尹氏之子食邑於葉名諸梁字子高楚借稱王其大夫稱公白公亦是也微細

也葉音攝然白公之亂也令尹子西司馬子期皆死焉

白公楚太

子建之子平王之孫子西楚平王長
葉公子高入據楚
庶子公子申子期亦平王子公子結

誅白公定楚國如反手耳仁義功名善於後世故事不

揣長不揆大不權輕重亦將志乎心耳
揆與絜同約也謂約計其大小

也絜戶結反莊子匠石見櫟社樹絜之百圍權稱也輕
重體之輕重也言不論形狀長短大小肥瘠唯在志意

修飾耳
長短小大美惡形相豈論也哉且徐偃王之狀目

可瞻焉
徐國名借稱王其狀偃仰而不俯故謂之偃王周穆王使楚誅之瞻焉言不能俯視細物遠望

纔見焉尸子曰徐
仲尼之狀面如蒙俱
俱方相也其首蒙茸然故曰蒙

俱子虛賦曰蒙公先驅韓侍郎云四目為方相兩目為
俱俱音欺慎子曰毛嫱西施天下之至姣也衣之以皮

俱則見之 周公之狀身如斷菑

爾雅云木立死曰槁槁與菑同

臯陶之

狀色如削瓜

如削去皮之瓜青綠色

閔天之狀面無見膚

閔天文王臣在

十亂之中言多鬢蔽其膚

傳說之狀身如植鰭

植立也如魚之立也

伊尹之

狀面無須麋

麋與眉同禹跳湯偏

尹子曰禹之勞十年不窺其家手不爪脰不生毛偏

枯之病步不相過人曰禹步鄭注尚書大傳湯半體枯呂氏春秋曰禹通水濬川顏色黎黑步不相過也

堯

舜參牟子

年與眸同參年子謂有二瞳之相參也史記曰舜目重瞳重瞳蓋堯亦然尹子曰舜兩眸

子是謂重明作事成法出言成章當時傳聞今書傳亦難盡詳究所出矣

從者將論志意比

類文學邪直將差長短辨美惡而相欺傲邪

從者荀卿門人問將

論志意文學耶但以好醜相欺傲也

古者桀紂長巨姣美天下之傑也筋

力越勁百人之敵也

姣好也倍萬人曰傑
越過人也勁勇也

然而身死國

亡為天下大僂後世言惡則必稽焉

僂與戮同稽考也
後世言惡必考桀

紂為證

是非容貌之患也聞見之不衆論議之卑爾

亦非以容

貌害身言美惡皆非所患但以聞見不廣議論不高故致禍耳

今世俗之亂君鄉曲之

僇子

方言云僇疾也又曰慧也與喜而翻
義同輕薄巧慧之子也僇火玄反

莫不美麗姚

冶奇衣婦飾血氣態度擬於女子

說文曰姚美好貌治
妖奇衣珍異之衣婦

飾謂婦人之飾言輕細也擬於女子言柔弱便僻也

婦人莫不願得以為夫處女

莫不願得以為士

士者未取妻之稱易曰老婦得其士夫

弃其親家而欲

奔之者比肩並起然而中君羞以為臣中父羞以為子

中兄羞以為弟中人羞以為友

不必上智皆知惡也

俄則束乎有

司而戮乎大市

犯刑法為有司所束縛也

莫不呼天啼哭苦傷其今

而後悔其始

苦傷今之刑戮悔其始之所為

是非容貌之患也聞見之

不衆論議之卑爾然則從者將孰可也

問從者形相與志意孰為益乎

人有三不祥幼而不肯事長賤而不肯事貴不肖而不

肯事賢是人之三不祥也

言必有禍災也

人有三必窮為上則

不能愛下為下則好非其上是人之一必窮也鄉則不

若偕則謾之是人之二必窮也

鄉讀為向若如也謾欺毀也莫干反知行

淺薄曲直有以縣矣然而仁人不能推知士不能明是

人之三必窮也

曲直猶能否也言智慮德行至淺薄其能否與人又相懸遠不能推讓明白之

言不知己之不及也知音智行下孟反縣讀為懸

人有此三數行者以為上則

必危為下則必滅詩曰雨雪瀼瀼見晁聿消莫肯下遺

式居婁驕此之謂也

詩小雅角弓之篇今詩作見晁曰消蓋聲之誤耳晁日氣也遺讀為

隨婁飲也言雨雪瀼瀼然見日氣自消喻欲為善則惡自消矣幽王曾莫肯下隨於人用此居處飲其驕慢之

過人之所以為人者何已也已與以同問何以謂之人而貴於禽獸曰以

其有辨也

辨別也

饑而欲食寒而欲煖勞而欲息好利而

惡害是人之所生而有也是無待而然者也

不待學而知

是

禹桀之所同也然則人之所以為人者非特二足無毛

也以其有辨也今夫猩猩形笑亦二足而毛也

猩猩獸似人而

能言出交趾形

然而君子啜其羹食其馘

馘鬻也禽獸無辨故賤而

笑者能言笑也

食之馘測吏反

故人之所以為人者非特以其二足而無毛也

以其有辨也夫禽獸有父子而無父子之親有牝牡而

無男女之別故人道莫不有辨辨莫大於分

有上下親疎之分也

分莫大於禮

分生於有禮也

禮莫大於聖王

聖王則制禮者言其人存其政舉

聖王有百吾孰法焉

問聖王至多誰可為法

故曰文久而息節族

久而絕

文禮文節制度也言禮文久則制度減息宗族久則廢也

守法數之有司極

禮而祀

禘解也有司世世相承守禮之法數至於極久亦下脫也易曰或錫之鞶帶終朝三褫之言此

者以喻久遠難詳不如隨時興治褫直吏反

故曰欲觀聖王之跡則於其粲

然者矣後王是也

後王近時之王也粲然明白之貌言近世明王之法則是聖人之跡也夫

禮法所興以救當世之急故隨時設教不必獨拘於舊聞而時人以為君必用堯舜之道臣必行禹稷之術然

後可斯惑矣孔子曰殷因於夏禮所損益可知也故荀卿深陳以後王為法而審其所貴君子焉司馬遷曰法後王者以其近已而彼後王者天下之君也舍後王而俗相類議卑而易行

道上古譬之是猶舍已之君而事人之君也故曰欲觀千歲則審今日欲知億萬則審一二欲知上世則審周道欲知周道則審其所貴君子

謂已之君也審謂詳觀其道也

故曰

以近知遠以一知萬以微知明此之謂也夫妄人曰古今異情以其治亂者異道而衆人惑焉彼衆人者愚而無說陋而無度者也

言其愚陋而不能辨說測度度徒洛反下同

其所見焉

猶可欺也而況於千世之傳也

傳傳聞也

妄人者門庭之間

猶可誣欺焉而況於千世之上乎聖人何以不欺曰聖

人者以已度者也

以已意度古人之意古人不欺亦不欺人也

故以人度人

以情度情

以今之人情度古之人情既云欲惡皆同豈其治亂有異也

以類度類

類

類謂若以說度功

以言說度其功業也

以道觀盡

以道觀盡物之理儒效篇曰塗

之百姓積善而全盡謂之聖人也

古今一度也

古今不殊盡可以此度彼安在其古今異情乎

類不悖雖久同理

言種類不乖悖雖久而理同今之牛馬與古不殊何至人而獨異哉

故

鄉于邪曲而不迷觀乎雜物而不惑以此度之

以測度之道明

之故向於邪曲不正之道而不迷雜物炫耀而不惑鄉讀為向

五帝之外無傳人

外謂已前

也無傳人謂其人事跡後世無傳者

非無賢人也久故也五帝之中無傳政非無

善政也久故也

中間也五帝少昊顓頊高辛唐虞也

禹湯有傳政而不若周之察也

非無善政也久故也傳者久則論略近則論詳略則舉

大詳則舉小

略謂舉其大綱詳周備也

愚者聞其略而不知其詳聞

其詳而不知其大也

惟聖賢乃能以略知詳以小知大也

是以文久而滅

節奏久而絕凡言不合先王不順禮義謂之姦言雖辯

君子不聽

公孫龍惠施鄧析之屬也

法先王順禮義黨學者

黨親比也

然

而不好言不樂言則必非誠士也

言講說也誠士謂至誠好善之士

故

君子之於言也志好之行安之樂言之故君子必辯

辯謂

能談說也

凡人莫不好言其所善而君子為甚

所善謂已所好尚也

故

贈人以言重於金石珠玉觀人以言美於黼黻文章

觀人

以言謂使人觀其言黼黻文章皆色之美者白與黑謂之黼黑與青謂之黻青與赤謂之文赤與白謂之章

聽人之言樂於鐘鼓琴瑟

使人聽其言

故君子之於言無厭

無厭倦

鄙夫反是好其實不恤其文

但好其質而不知文飾若墨子之屬

是

以終身不免埤汙傭俗

埤汙皆下也謂鄙陋也埤與庠音同豬水處謂之汙亦地之下

者也汙故易曰括囊無咎無譽腐儒之謂也腐儒如朽一孤反

所用也引易以喻不談說者凡說之難以至高遇至卑以至治接至

亂以先王之至高至治之道說末世至卑至亂之君所以為難也說音稅未可直至也遠

舉則病繆近世則病偏未可直至言必在援引古今也遠舉上世之事則患繆妄下舉

近世之事則患偏鄙也善者於是間也亦必遠舉而不繆近世而

不偏與時遷徙與世偃仰緩急羸絀羸餘也羸絀猶言伸屈也府然

若渠堰隳括之於已也府與俯同就物之貌或讀為附渠堰所以制水隳括所以制木

君子制人曲得所謂焉然而不折傷言談說委曲皆得其意之所謂然而亦猶此也

不折傷故君子之度已則以繩接人則用拙拙牽引也度已猶正

已也君子正已則以繩墨接人則牽引而致之言正已而馴致人也或曰拙當為拽拙揖也言如以揖揖進舟船也度大各反拙以世反韓侍郎度已以繩故足以為云拙者縈拙也匡弓弩之器也

天下法則矣接人用拙故能寬容因求以成天下之大

事矣

成事在衆

故君子賢而能容罷

罷弱不任事者音疲

知而能容愚

博而能容淺粹而能容雜夫是之謂兼術

粹專一也兼術兼容之法

詩曰徐方既同天子之功此之謂也

詩大雅常武之篇言君子容物亦猶

天子之同徐方也

談說之術齊莊以涖之端誠以處之堅彊以

持之分別以喻之譬稱以明之欣驩芬薌以送之寶之

珍之貴之神之如是則說常無不受

言談說之法如此人乃信之芬薌言

至芳潔也神之謂自神異其說不敢慢也說音稅稱尺證反薌與香同

雖不說人人莫不

貴

不說猶貴况其說之

夫是之謂為能貴其所貴

不使人賤之也傳曰唯

君子為能貴其所貴此之謂也君子必辯凡人莫不好

言其所善

所善謂所好也

而君子為甚焉是以小人辯言險而

君子辯言仁也

仁謂忠愛之道

言而非仁之中也則其言不若

其默也其辯不若訥也

訥與訥同或引禮記其言訥訥然非

言而仁之中

也則好言者上矣不好言者下也故仁言大矣起於上

所以道於下正令是也

道與導同正或為政

起於下所以忠於上

謀救是也

謀救謂嘉謀匡救此言談說之益不可以已如是也

故君子之行仁也

無厭

無厭倦時

志好之行安之樂言之故言

所以好言說由此三者行如字

君子必辯小辯不如見端

端首

見端不如見本分

分上下貴賤之

分小辯謂辯說小事則不如見端首見端首則不如見本分言辯說止於知本分而已

小辯而察

見端而明本分而理聖人士君子之分具矣

此言能辯說然後聖

賢之分具

有小人之辯者有士君子之辯者有聖人之辯者

不先慮不早謀發之而當成文而類

言暗與理會成文理而不失其類謂

不乖特也

居錯遷徙應變不窮

錯致也居錯安居也錯于故反

是聖人之辯

者也先慮之早謀之斯須之言而足聽

斯須發言已可聽也

文而

致實博而黨正是士君子之辯也

文謂辯說之辭致至也黨與謹同謂直言

也凡辯則失於虛詐博則失於流蕩故致實黨正為重也

聽其言則辭辯而無統

無根

本也用其身則多詐而無功上不足以順明王下不足以

和齊百姓然而口舌之均瞻唯則節

蓋謂騁其口舌之辯也瞻唯則節四

字未詳或利少錯誤耳

足以為奇偉偃却之屬

奇偉誇大也偃却猶偃仰即偃蹇也

言姦雄口辯適足以自誇太偃蹇而已

夫是之謂姦人之雄聖王起所以

先誅也然後盜賊次之盜賊得變此不得變也

變謂教之使自

新也

非十二子篇第六

假今之世

假如今之世也或曰假借也今之世謂戰國昏亂之世治世則姦言無所容故十二子借

亂世以惑衆也

飾邪說文姦言以梟亂天下

梟與鴟同欺惑愚衆喬

宇嵬瑣

禹與譎同詭詐也又余律反宇未詳或曰宇大也放蕩恢大也嵬謂為狂險之行也瑣者謂為

姦細之行也說文云嵬高不平也今此言嵬者其行狂險亦猶山之高不平也周禮大司樂云大傀裁則去樂

鄭云僞猶怪也晏子春秋曰不以上為本不以民為憂
內不恤其家外不顧其游夸言僞行自謹於飢寒命之
曰狂僻之民明上之所禁也僉當
與僞義同音五每反又牛彼反使天下混然不知是

非治亂之所存者有人矣混然無分別之貌存在也縱情性安恣睢

禽獸之行恣睢矜放之貌言任情性所為而不知禮義則與禽獸無異故曰禽獸行睢音萃反不

足以合文通治不足合於古之文義通於治道然而其持之有故其言

之成理足以欺惑愚眾妄稱古之人亦有如此者故曰持之有故又其言論能成文理

故曰言之成理足以欺惑愚眾也是它囂魏牟也它囂未詳何代人世本楚平王孫有田公

它成豈同族乎韓詩外傳作范魏牟牟魏公子封於中山漢書藝文志道家有公子牟四篇班固曰先莊子

莊子稱之今莊子有公子年稱莊子之言以折公孫龍據即與莊子同時也又列子稱公子年解公孫龍之言公孫龍平原君之客而張湛以為文侯子據年代非也說苑曰公子年東行穰侯送之未知何者為定也忍

情性綦谿利跂

忍謂違矯其性也綦谿未詳蓋與跂義同也利與離同離跂違俗自絜之貌謂

離於物而跂足也莊子曰楊墨乃始離跂自以為得離力智反跂丘氏反

苟以分異人為高

苟求分異不同於人以為高行也

不足以合大衆明大分

既求分異則不足合大衆

苟立小節故不足明大分大分謂忠孝之大義也

然而其持之有故其言之成

理足以欺惑愚衆是陳仲史鮪也

已解上

不知壹天下建

國家之權稱

不知齊一天下建立國家之權稱言不知輕重稱尺證反

上功用大儉

約而侵差等

功用功力也大讀曰太言以功力為上而過儉約也侵輕也輕侵差等謂欲使君臣

上下同勞苦也

曾不足以容辨異縣君臣

上下同等則其中不容分別而懸隔君臣

也然而其持之有故其言之成理足以欺惑愚衆是墨

翟宋鉞也

宋鉞宋人與孟子尹文子彭蒙慎到同時孟子作宋輕輕與鉞同口莖反

尚法而

無法下修而好作

尚上也言所著書雖以法為上而自無法以修立為下而好作為言自相

矛盾

上則取聽於上下則取從於俗

言苟順上下意也

終日言

成文典及紉察之則偶然無所歸宿

紉與循同偶然疎遠貌宿止也雖言

成文典若反覆紉察則疎遠無所歸也

不可以經國定分

取聽於上取從於俗故法度不

也。立然而其持之有故，其言之成理，足以欺惑愚衆，是慎也。

到田駢也。

田駢齊人也。遊稷下，著書十五篇。其學本黃老，大歸名法，慎到已解上。

不法先

王，不是禮義。

不以禮義為是。

而好治怪說，玩琦辯。

玩與翫同。琦讀為奇異之。

奇甚，察而不惠。

惠順。

辯而無用多事，而寡功，不可以為治。

綱紀然而其持之有故，其言之成理，足以欺惑愚衆，是

惠施、鄧析也。略法先王而不知其統。

言其大略雖法先王而不知體統。

謂紀綱也。

猶然而材劇，志大聞見雜博。

猶然舒遲貌。禮記曰：君子蓋猶猶爾。劇繁。

多案往舊造說，謂之五行。

案前古之事而自造其說，謂之五行。五行五常仁義禮智。

信是也 甚僻違而無類幽隱而無說閉約而無解

約結也 解說也

僻違無類謂乖僻違戾而不知善類也幽隱無說閉約無解謂其言幽隱閉結而不能自解說謂但言堯舜之道而不知其興作方略也荀卿常言法後王治當世而孟軻子思以為必行堯舜文武之道然後為治不知隨時設教救當世之弊故言僻違無類孟

子曰管仲曾西之所不為解佳買反

紫飾其辭而祇

敬之曰此真先君子之言也

言自敬其辭說先君子孔子也

子思唱之

孟軻和之

子思孔子之孫名伋字子思孟軻鄒人字子輿皆著書七篇

世俗之溝猶

瞽儒嚶嚶然不知其所非也

溝讀為拘拘愚也猶猶豫不定之貌瞽儒暗也漢書

五行志作區瞽與此義同嚶嚶喧囂之貌謂爭辯也拘音寇又音抽

遂受而傳之以為仲

尼子游為茲厚於後世

仲尼子游為此言垂德厚於後世也

是則子思孟

軻之罪也若夫總方略齊言行壹統類而羣天下之英

傑而告之以太古教之以至順

總領也統謂綱紀類謂比類大謂之統分別謂

之類羣會合也

與窾之間簞席之上歛然聖王之文章具焉佛

然平世之俗起焉

西南隅謂之奧東南隅謂之窾言不出堂室之內也歛然聚集之貌佛讀

為勃勃然興起貌窾一弔反

則六說者不能入也十二子者不能親

也無置錐之地而王公不能與之爭名在一大夫之位

則一君不能獨畜一國不能獨容

言王者之佐雖在下位非諸侯所能畜一

國所能容或曰時君不知其賢無一
君一國能畜者故仲尼所至輕去也
成名況乎諸侯莫

不願以為臣

況比也言其所成之名比況於人莫與為
偶故諸侯莫不願得以為臣或曰既成名

之後則王者之輔佐也況諸侯莫不願得以為臣乎未
知其賢則無國能容也或曰況猶益也國語驪姬曰衆

之況厚是聖人之不得勢者也仲尼子弓是也一天下財

萬物

財與
哉同

養長生民兼利天下通達之屬莫不服從

通達

之屬謂舟車所至
人力所通者也

六說者立息十二子者遷化

遷而
從化則

聖人之得勢者舜禹是也今夫仁人也将何務哉上則
法舜禹之制下則法仲尼子弓之義以務息十二子之

說如是則天下之害除仁人之事畢聖王之跡著矣信

信信也疑疑亦信也

信可信者疑可疑者意雖不同皆歸於信

貴賢仁也賤

不肖亦仁也言而當知也默而當亦知也故知默猶知

言也

論語曰知之為知之不知為不知是知也當丁浪反

故多言而類聖人也少

言而法君子也

言雖多而不流洵皆類於禮義是聖人制作者也少言而法謂不敢自造言說

所言皆守典法也

多少無法而流洵然雖辯小人也

洵沈也流者不復返

沈者不復出也

故勞力而不當民務謂之姦事

民務四民之務

勞知而

不律先王謂之姦心

法律

辯說譬諭齊給便利而不順禮

義謂之姦說

齊疾也給急也便利亦謂言辭敏捷也

此三姦者聖王之所

禁也知而險賊而神

用智於險又賊害不測如神也

為詐而巧

巧於言為詐

無用而辯

言辯而無用也

辯不惠而察

惠順也辭辯不順道理不聰察也

治之

大殃也行辟而堅

辟讀為僻

飾非而好

好飾非也

玩姦而澤

玩與翫同

習姦而使有潤澤也

言辯而逆古之大禁也

逆者乖於常理

知而無法

其騁

異見也知如字

勇而無憚

輕死

察辯而操僻淫

為察察之辯而操持淫僻之事操七

刀大而用之

以前數事為大

好姦而與衆

好姦而與衆人共之謂使人同

之利足而迷

苟求利足而迷惑不顧禍患也

負石而墜

謂申徒狄負石投河言好名以

至此也亦利足是天下之所奔也兼服天下之心高上而迷者之類也

尊貴不以驕人

在貴位不驕人

聰明聖智不以窮人齊給速通

不爭先人剛毅勇敢不以傷人不知則問不能則學雖

能必讓然後為德

然後為聖賢之德也

遇君則脩臣下之義遇鄉

則脩長幼之義

在鄉黨之中也

遇長則脩子弟之義遇友則脩

禮節辭讓之義遇賤而少者則脩告導寬容之義無不

愛也無不敬也無與人爭也恢然如天地之苞萬物如

是則賢者貴之不肖者親之如是而不服者則可謂詖

怪狡猾之人矣

妖與妖同

雖則子弟之中刑及之而宜

妖怪狡猾

之人雖在家人子弟之中亦宜刑戮及之况公法乎

詩云匪上帝不時殷不用舊

雖無老成人尚有典刑曾是莫聽大命以傾此之謂也

詩大雅蕩之篇鄭云老成人伊尹伊陟臣扈之屬也典刑常事故法也

古之所謂士仕者

厚敦者也合羣者也

士仕謂士之入仕合謂和合羣衆也

樂富貴者也

樂其

道樂分施者也

施或所宜反

遠罪過者也

遠于願反

務事理者也

務使事有條理

羞獨富者也

使家給人足也

今之所謂士仕者汗漫者

也賊亂者也

汗漫已解在榮辱篇

恣睢者也

恣睢已解於上

貪利者也觸

抵者也

恃權勢而忤人

無禮義而唯權勢之嗜者也古之所謂

處士者德盛者也能靜者也

處士不仕者也易曰或出或處能靜謂安時處順也

脩正者也知命者也著是者也

明著其時是之事不使人疑其姦詐也

今

之所謂處士者無能而云能者也

云能自言其能也慎子曰勁而害能則亂

也云能而害無能則亂也蓋戰國時以言能為云能當時之語也

無知而云知者也利

心無足而佯無欲者也

好利不知足而詐為無欲者也

行偽險穢而彊

高言謹慤者也以不俗為俗

以不合俗人自為其俗也

離蹤而跂

者也

譬讀為恣離蹤謂離於俗而放蹤跂恣謂跂足違俗而恣其志恣意皆違俗自高之貌或曰蹤當為

縱傳寫誤耳縱與纒同步也離縱謂離於俗而步去跂
訾謂跂足自高而訾毀於人離力智反跂丘弭反訾將

此士君子之所能不能為君子能為可貴不能使人必

貴已

可貴貴道德也

能為可信不能使人必信已能為可用不

能使人必用已

可用謂才能也

故君子恥不脩不恥見汙

見汙為人

所汙穢也恥不信不恥不見信恥不能不恥不見用是以不

誘於譽不恐於誹

虛譽不能誘誹謗不能動

率道而行端然正已不

為物傾側夫是之謂誠君子

誠實也謂無虛偽也

詩云溫溫恭人

維德之基此之謂也

已解在不苟篇

士君子之容其冠進其衣

逢其容良

進謂冠在前也逢大也謂逢掖也良謂樂易也

儼然壯然祺然肆然

恢恢然廣廣然昭昭然蕩蕩然是父兄之容也

儼然莊之貌

壯然不可犯之貌或當為莊祺然肆然未詳或曰祺祥也吉也為安泰不憂懼之貌肆當為肆謂寬舒之貌恢

恢廣廣皆容衆之貌昭昭明顯之貌蕩蕩恢夷之貌

其冠進其衣逢其容慤

謹敬儉

然忸然輔然端然紫然洞然綴綴然瞽瞍然是子弟之

容也

儉然自謙卑之貌忸然情尊長之貌爾雅曰忸恃也郭云江東呼母為忸音紙輔然相親附之貌端

然不傾倚之貌紫然未詳或曰與孳同柔弱之貌洞然恭敬之貌禮記曰洞洞乎其敬也綴綴然不乖離之貌

謂相連綴也瞽瞍然不敢正視之貌

吾語汝學者之菟容

說學者為菟行之形狀菟已解於上

其冠絕其纓禁緩其容簡連

絕當為僂謂太向前而低俯也纓冠之繫也禁緩未

詳或曰讀為紵紵帶也言其纓大如帶而緩也簡連傲慢不前之貌紵其禁反連讀如往蹇來連之連

填

填然狄然莫莫然覲覲然瞿瞿然盡盡然盱盱然

填填

然滿足之貌狄讀為超跳躍之貌莫讀為貊貊靜也不言之貌或動而跳躍或靜而不言皆謂舉止無恒也

覲覲未詳或曰覲與規同規規小見之貌瞿瞿瞪視之貌盡盡極視盡物之貌盱盱張目之貌皆謂視瞻不平

或太察也盱許于反

酒食聲色之中則瞞瞞然瞑瞑然

瞞瞞閉目之貌瞑瞑

視不審之貌謂好悅之甚佯若不視也瞞莫干反瞞母丁反

禮節之中則疾疾然訾

訾然

謂憎疾毀訾也

勞苦事業之中則億億然離離然偷儒而

罔無廉恥而忍譏

音後

詢是學者之鬼也

事業謂作業也
德德不勉強之

貌離離不親事之貌陸法言云德心不力也音呂偷儒

謂苟避事之勞苦也罔謂罔冒不畏人之言也譏詢謂

詈辱也此一章皆明視之狀貌而辨善惡也今之所解

或取聲韻假借或推德為錯誤因隨所見而通之也

第作其冠神禪其辭

第作其冠未詳神禪當
為冲澹謂其言淡薄也

禹行而舜

趨是子張氏之賤儒也

但宗聖人之
威儀而已矣

正其衣冠齊其顏

色嗛然而終日不言是子夏氏之賤儒也

嗛與慊同快
也謂自得之

貌終日不言謂務於沈默史記樂毅
與燕惠王書曰先王以為嗛於志也

偷儒憚事無廉恥

而耆飲食必曰君子固不用力是子游氏之賤儒也

偷儒

已解上者與嗜同此皆言先儒性有所偏愚者效而慕之故有此弊也彼君子則不然佚

而不惰勞而不侵

雖逸而不懶惰雖勞而不弛慢

宗原應變曲得其宜

如是然後聖人也

宗原根本也言根本及應變皆曲得其宜也

仲尼篇第七

仲尼之門人五尺之豎子言羞稱乎五伯是何也曰然

彼誠可羞稱也齊桓五伯之盛者也

言盛者猶如此況其下乎伯讀為霸

或曰伯長也為諸侯之長春秋傳曰王命內史叔與父策命晉侯為侯伯也

前事則殺兄而

爭國

兄子

內行則姑姊妹之不嫁者七人閨門之內般

樂奢汰

般亦樂也汰侈也音太下同

以齊之分奉之而不足

分半也用稅賦

之半也公羊傳

外事則詐邾襲莒并國三十五

詐邾未聞襲莒

曰師喪分焉

謂桓公與管仲謀伐莒未發為東邾牙先知之是也并國三十五謂滅譚滅遂滅項之類其餘所未盡聞也

其行事也若是其險汙淫汰也

事險而行汙也行下孟反

彼固曷足

稱乎大君子之門哉若是而不亡乃霸何也曰於乎夫

齊桓公有天下之大節焉夫孰能亡之

於乎讀為嗚呼嘆美之聲大節

謂節義也

倏然見管仲之能足以託國也是天下之大知也

倏安也安然不疑也大知謂知人之大也倏他坎反

安忘其怒出忘其讎遂立以

為仲父是天下之大決也

安猶內也出猶外也言內忘忽患之怒外忘射鈞之歸仲

者夷吾之字父事之如父故號為仲父大決謂斷決之大者也

立以為仲父而貴戚莫

之敢妬也

不敢妬其親密

與之高國之位而本朝之臣莫之敢

惡也

高子國子世為齊上卿今以其位與之本朝之臣謂舊臣也春秋傳管仲曰有天子之二守國高在

與之書社三百而富人莫之敢距也

書社謂以社之戶口書於版圖周禮

二十五家為社距與拒同敵也言齊之富人莫有敢敵管仲者也

貴賤長少莫不秩秩

焉從桓公而貴敬之是天下之大節也

秩秩順序之貌

諸侯有

一節如是則莫之能亡也桓公兼此數節者而盡有之

夫又何可亡也其霸也宜哉非幸也數也

其術數可霸非為幸遇也

仲尼之門人五尺之豎子言羞稱乎五伯是何也曰然

彼非本政教也非致隆高也

致至極也

非綦文理也

非極有文章條

理非服人心也

非以義服之

鄉方略審勞佚

鄉讀為向趨也審勞佚謂審知

使人之畜積脩闢而能顛倒其敵者也

畜積倉廩修戰闢之術而能傾

覆其敵也詐心以勝矣彼以讓飾爭依乎仁而蹈利者也

為讓

所以飾爭非真讓也行仁所以蹈利非真仁也

小人之際也彼固曷足稱乎大

君子之門哉

前章言五霸救時故褒美之此章明王者之政故言其失孟子曰五霸者三王之罪

人也彼王者則不然致賢而能以救不肖致彊而能以寬

弱戰必能殆之而羞與之鬪

必以義服不力服也

委然成文以示

之天下

委然俯就之貌言俯就人使成文理以示天下也

而暴國安自化矣有

災繆者然後誅之

有災怪繆戾者然後誅之非顛倒其敵也

故聖王之誅也

綦省矣

省少也所景反

文王誅四

四謂密也阮也共也崇也詩曰密人不恭敢距大邦侵阮

徂共春秋傳曰文王聞崇侯亂而伐之因豐而降史記亦說文王三征伐與此小異誅者討伐殺戮之通名

武王誅二

史記云武王斬紂與妲己尸子曰武王親射惡來之口親斫殷紂之頸手汙於血不溫而

食當此之時猶猛獸者也

周公卒業

周公終王業亦時有小征伐謂三監淮夷商奄也

至於

成王則安以無誅矣

言其化行刑措也

故道豈不行矣哉

以此言之

道豈不行人自不行耳

文王載百里地而天下一

所載之地

不過百里而天下一以有道也

桀紂舍之厚於有天下之勢而不得以

匹夫老

桀紂舍道雖有天下厚重之勢而不得如庶人壽終

故善用之則百里之

國足以獨立矣不善用之則楚六千里而為讎人役

善用

謂善用道也讎人秦也楚懷王死於秦其子襄王為秦所制而役使之也

故人主不務得道

而廣有其勢是其所以危也持寵處位終身不厭之術

論人臣處位可終身行之之術

主尊貴之則恭敬而傳

傳與搏同卑退也

主信

愛之則謹慎而謙

謙與歉同不足也言不敢自滿也春秋穀梁傳曰一穀不升謂之謙

主

專任之則拘守而詳

謹守職事詳明法度

主安近之則慎比而不

邪

謹慎親比於上而不回邪諂佞

主疏遠之則全一而不倍

不以疏遠而懷離二

之主損絀之則恐懼而不怨貴而不為夸

夸奢侈也

信而不

處謙

謙讀為嫌得信於主不處嫌疑問使人疑其作威福也

任重而不敢專財利

至則言善而不及也必將盡辭讓之義然後受

善而不及而如

也言己之善寡如不合當此財利也

福事至則和而理禍事至則靜而理

謂理

不失其道和而理謂不充屈靜而理謂不墮獲也

富則施廣貧則用節可貴可

賤也可富可貧也可殺而不可使為姦也

君雖寵榮屈辱之終不可

使為姦也

是持寵處位終身不厭之術也雖在貧窮徒處之

勢亦取象於是矣夫是之謂吉人也

徒處徒行或曰獨處也雖貧賤其所立志

亦取法於此也

詩曰媚茲一人應侯順德永言孝思昭哉嗣服

此之謂也

詩大雅下武之篇一人謂君也媚愛應當侯維服事也鄭云媚愛茲此也可愛乎武王能

此順德謂能成其祖考之功也服事也明哉武王之嗣行祖考之事謂伐紂定天下引此者明臣事君亦猶武

王之繼祖考也

求善處大重理任大事

大重謂大位也

擅寵於萬乘之

國必無後患之術莫若好同之

好賢人與之同者也

援賢博施除

怨而無妨害之

除怨不能
念舊惡

能耐任之則慎行此道

耐忍也
慎讀為

順言人有賢能者雖不欲用必忍而
用之則順已所行之道耐乃代反

能而不耐任

有能者不

忍急
用之

且恐失寵則莫若早同之推賢讓能而安隨其後

如有寵則必榮失寵則必無罪是事君者之實而必

無後患之術也

或曰荀子非王道之書其言駁雜今此
又言以術事君曰不然夫荀卿生於秦

世意在濟時故或論王道或論霸道或論強國在時君
所擇同歸於治者也若高言堯舜則道必不合何以拯
斯民於塗炭乎故反經合義曲成其道若得行其志治
平之後則亦堯舜之道也又荀卿門人多仕於大國故
戒以保身推賢之術與大
雅既明且哲豈云異哉故知者之舉事也滿則慮謙

嫌不足也當其盈滿則思其後不足之時而先防之

平則慮險安則慮危曲重其

豫猶恐及其既是以百舉而不陷也

委曲重多而備豫之猶恐其及既既

與禍同

孔子曰巧而好度必節勇而好同必勝知而好謙

必賢此之謂也

巧者多作淫靡故好法度者必得其節勇者多凌物故好與人同者必勝之也

愚者反是處重擅權則好專事而妬賢能抑有功而擠

有罪志驕盈而輕舊怨

重傷之也擠排也輕舊怨謂輕報舊怨

以去舊而

不行施道乎上為重招權於下以妨害人雖欲無危得

乎哉

施道施惠之道欲重其威福故招權使歸於已

是以位尊則必危任重則

必廢擅寵則必辱可立而待也可炊而僥也

炊與吹同僥當為僥

言可以氣吹之而僥仆僥音竟

是何也則墮之者衆而持之者寡矣

墮許

窺天下之行術

可以行於天下之術

以事君則必通以為仁則必

聖立隆而勿貳也

仁謂仁人聖亦通也以事君則必通達以為仁則必有聖知之名者在於

所立敦厚而專一也此謂可行天下之術也

然後恭敬以先之忠信以統之

慎謹以行之端慤以守之頓窮則疾力以申重之

以敦厚不

貳為本然後輔之以恭敬之屬頓謂困蹶也疾力勤力也困危之時則尤加勤力而不敢怠情申重猶再三也

君雖不知無怨疾之心功雖甚大無伐德之色省求多

功愛敬不勸如是則常無不順矣

省少也少所求即多立功勞省所景反

以事君則必通以為仁則必聖夫是之謂天下之術少

事長賤事貴不肖事賢是天下之通義也有人也勢不

在人上而羞為人下是姦人之心也志不免乎姦心行

不免乎姦道而求有君子聖人之名辟之是猶伏而喏

天救經而引其足也

辟讀為譬喏與詆同經縊也伏而詆天愈益遠也救經而引其足愈

益急也

說必不行矣俞務而俞遠

俞讀為愈

故君子時屈則

屈時伸則伸也

勢在上則為上在下則為下必當其分安有勢不在上而羞為下之心哉

荀子卷三

謹案卷一第三頁前四行五行彊自取柱刊本彊
訛彊據大戴禮改又按大戴禮柱作折與此異
第四頁前二行蟹六跪而二螯按大戴禮世說新
語晉書蔡謨傳並作八足二螯與荀子及許氏
說文異附識於此

第六頁前一行喘微言也蠕微動也刊本喘訛喘
蠕訛蠕據世德堂本改

第六頁前八行今贊禮謂之贊唱刊本贊唱訛贊

贊据世德堂本改

第七頁前四行所成所出皆在於禮也刊本皆訛
者据世德堂本改

第十一頁後四行高而有墜刊本有訛不据方言
改

第十三頁前二行懦輸愚也刊本無也字据方言
增

卷二第四頁後一行方言云濕優也按方言作濕

憂也本書修身篇注引方言亦作憂此注作優
似誤

第八頁後三行賢人欲惡之不必異於衆人也按
賢字似言字之誤因各本皆同姑仍其舊

第八頁後六行晻與暗同刊本晻訛淹据纂圖互
注改

第十一頁後二行宋魯之間曰悻刊本悻作牟据
纂圖互注荀子改

第十二頁前二行揚子方言云祛去也按今方言
本祛作祛與此異

第十二頁後七行行政法令刊本法令訛令法据纂
圖互異注荀子改

第十三頁後二行頑嚚之貌突凌突不順也刊本
嚚訛嚚突訛突並据纂圖互注荀子改

第十四頁後四行詩曰弁彼鸞斯歸飛提提鸞斯
雅鳥也刊本弁訛弁鳥訛鳥今改

第十五頁後七行知生於憂患刊本知訛智今改
卷三第二頁前六行較兩騎上出式者刊本騎下
行較字据考工記注刪

第五頁後三行四行故曰文久而息節族久而絕
按下七頁前六行七行亦有此二句息字作滅
族字作奏盖文久而息為一句節族久而絕為
一句揚注于句讀訓詁並誤

第七頁後八行埤與庫音同豬水處謂之汙刊本

庠訛痺豬訛渚並据纂圖互注荀子改

第八頁後二行拙揖也言如以揖擢進舟船也按拙揖擢三字似皆宜從木旁謹識於此

第十頁後四行非十二子篇第六按王應麟困學記聞云韓詩外傳引此正十子蓋韓非李斯之流託其師說以毀子思孟子當以韓詩為正附識於此

第十三頁前四行救當世之弊刊本當訛常据世

德堂本改

第十七頁前四行故君子恥不修刊本恥訛處据
纂圖互注荀子改


第十八頁後四行第作其冠按世德堂本作第佗
其冠與此異

第二十二頁前六行而如也刊本脫而字也字据
世德堂本增

第二十二頁前七行如不合當此財利也刊本脫

如字据世德堂本增

第二十四頁前六行頃窮則疾力以申重之按世
德堂則字下有從之二字與此異



總校官庶吉士臣侍 朝

校對官編修臣沈清藻

謄錄貢生臣張誠智